

և զկարգն քո և դու կամաւ հրաժարեցար յերիցութենէ՝ մինչև Աստուածատուր վարդապետն գայ և դատաստան առնէ . և նա ասաց՝ Այո՛յ : Եւ եպիսկոպոսն ասացեալ թէ Գնա՛ և Բ մարդ աշխարհական և Բ քահանայ, մինչեւ գայ մեծ վարդապետն, չարութիւն չառնելուդ եւ չփախչելուդ մեզ երաշխաւոր տո՛ւր որ միամտանանք մեք : Եւ նա գնացեալ յայս կոյս յայն կոյս ի քար և ի թուփ դիպելով ոչ գտաւ երաշխաւոր և ոչ մի . և ի ժամուս որ ոչ գտվաւ իւրն քէֆիլ, որք կային ամբոխն՝ ոչ մնաց մարդ թէ չը թքաւ յերեսն եւ նախատինք եւ արհամարհանք թէ Գու որ այդմ պատուոյ ես հաւասար, որ անազին յեկեղեցիս քեզ քէֆիլ չը գտար, և դու վասն յայսմ գործոց ես եղեալ եւ չարութեան յետեւէ շուրջ կու գաս, ա՛յ նզովեալ, ա՛յ պիղծ, ա՛յ չար, ասելով : Եթէ ոչ էք տեղ դատաստանի, նա՛ զչարն զայն ի տեղն կու սատակեցուցանէին : Եւ եկեալ ի մի բերան ամենեքեան թէ Վասն է՞ արգիլէք . ահա՛ դատաստան այս է որ եղև . թէ Աստուածատուր վարդապետն գայ, նա՛ զայս դատաստանս առնէ, կամ թէ նա վասն է՞ր-առնէ մի պոռնիկ երիցու . այժմ արժան է դա ի կենաց հանել և զմեղսն մեք առնեմք դորա՝ եթէ չէ արժան : Եւ եպիսկոպոսն ասացեալ թէ Որովհետև այսչափ ժողովուրդ որ չարութեանն վկայեցին և ոչ գտաւ մի մարդ որ բարութեան վկայէին, կամ մի երաշխաւոր՝ արժան է բառնալ ի կենաց : Եւ Յարութիւնն և Հաճի Դուրտն ձայնեցին զՏէր Յակոբն թէ Սորա հիւճէթն կայ ի քո քովն, որ բողի վերայ է բռնվեր, զայն գնա բե՛ր . և նա յանգէտս եղեալ թէ Չգիտեմ . և ամենեքեան նորա վերայ հաւաքեցան թէ Քեզ գան և ճէրիմէ առնել կու տամք թէ չտաս : Նոյնպէս և եպիսկոպոսն ասացեալ, թէ չբերես՝ նա՛ զքեզ ի նորա կարգն դնել կու տամք : Եւ նա ձար ոչ գտեալ՝ գնաց թէ Բերեմ .